

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 257134 25 St
Zenica, 12.03.2026. godine

Općinski sud u Zenici, stečajni sudija Samra Spahić-Drino, odlučujući o prijedlogu za provođenje stečajnog postupka nad stečajnim dužnikom „EXTRA“ Društvo za unutrašnju i spoljnu trgovinu d.o.o. Tešanj, ul. Maršala Tita broj 7, Tešanj, matični registarski broj subjekta upisa 1-6944, kojeg zastupa punomoćnik Brkić Alemdar, advokat iz Tešnja, dana 12.03.2026. godine, donio je:

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam u iznosu od 4.000,00 KM za obezbjeđenje troškova stečajnog postupka, na depozitni račun ovog suda broj: 134-010-0000044837 otvoren kod ASA Banke d.d. Sarajevo, Poslovna jedinica Zenica, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom društva „EXTRA“ Društvo za unutrašnju i spoljnu trgovinu d.o.o. Tešanj, ul. Maršala Tita broj 7, Tešanj, matični registarski broj subjekta upisa 1-6944, te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Obrazloženje

Predlagač „EXTRA“ Društvo za unutrašnju i spoljnu trgovinu d.o.o. Tešanj, ul. Maršala Tita broj 7, Tešanj, podnio je ovom sudu 21.02.2025. godine prijedlog za otvaranje stečajnog postupka zbog neizmirenih dospjelih obaveza, odnosno zbog platežne nesposobnosti.

Rješenjem ovog suda od 11.11.2025. godine pokrenut je prethodni postupak radi utvrđivanja uvjeta za otvaranje stečajnog postupka nad navedenim društvom, te je za privremenog stečajnog upravnika imenovan Hadžimehić Muris iz Tešnja, koji je na listi stečajnih upravnika.

Iz Izvještaja privremenog stečajnog upravnika, koji je dostavljen sudu 08.12.2025. godine proizilazi da privremeni stečajni upravnik utvrdio da prema podacima bilansa stanja sa 31.12.2024. godine društvo nema nekretnina, ne posjeduje motorna vozila, od ostale imovine ima iskazan iznos od 2.000,00 KM, a prema razgovoru sa ovlaštenim knjigovođom stvarno taj iznos ne postoji, a jedini transakcijski račun u banci je blokiran 23.02.2012. godine. Dalje je naveo da je pregled poslovnih prostorija izvršio 21.11.2025. godine, da je sjedište bilo u zakupljenom prostoru, a stvarna djelatnost se obavljala isto u drugom zakupljenom prostoru, dok je knjigovodstvene poslove obavljao Šehić Enver. Iz dostavljenih finansijskih izvještaja i knjigovodstvene dokumentacije naveo je da je vidljivo da aktiva društva sa 31.12.2024. godine su novac i novčani ekvivalenti 2.000,00 KM, a pasiva društva kapital 2.000,00 KM, dok prema pokazateljima neto dobit od 2019. do 2024. godine je 0,00 KM. Naveo je da je društvo osnovano 20.04.1997. godine, da je sjedište bilo u iznajmljenom prostoru, a problemi sa likvidnošću i u poslovanju su počeli 2012. godine, što je rezultiralo blokadom računa u Sparkasse banci 23.02.2012. godine. Prema podacima društvo ima porezni dug od 88.621,76 KM od čega je 64.405,78 KM glavnica, a 24.215,98 KM kamate. Društvo ima jedan transakcijski račun koji je blokiran od 2012. godine te se radi o višegodišnjoj blokadi te kako nema imovine postoje razlozi za otvaranje stečajnog postupka zbog platežne nesposobnosti. U izvještaju je dalje naveo da društvo nema uslova za nastavak poslovanja, a formalno je prestalo postojati 2012. godine, te nema imovinske vrijednosti koja bi predstavljala stečajnu masu. Istakao je da je prijedlog za otvaranje stečajnog postupka podnesen nakon isteka roka od 60 dana od dana nastupanja platežne nesposobnosti. Privremeni stečajni upravnik je predložio da sud pozove povjerioci i zainteresovana lica da predlože otvaranje stečajnog postupka i uplate predujam za obezbjeđenje troškova stečajnog

postupka u iznosu od 5.000,00 KM. U zaključku je naveo da postoje razlozi zaotvaranje stečajnog postupka iz razloga platežne nesposobnosti, da društvo nema imovinu da pokrije predviđene troškove stečajnog postupka te predlaže otvaranje stečajnog postupka u skladu sa članom 102. stav 7. Zakona o stečaju, ako neko od zainteresovanih povjerilaca predujmi troškove, a ako ne predlaže postupanje po članu 102. stav 8. istog Zakona.

Privremeni stečajni upravitelj je na ročištu održanom 12.02.2026. godine ostao u cijelosti kod navoda iz izvještaja od 08.12.2025. godine, da je utvrdio da društvo nema imovinu u obliku nekretnina kao niti pokretnu imovinu koja bi mogla činiti stečajnu masu, da je osnovna djelatnost društva EXTRA d.o.o. Tešanj bila trgovina na malo u nespecijaliziranim prodavnicama pretežno hranom, pićima i duhanskim proizvodima, da je sjedište društva bilo u zakupljenom prostoru koje je u vlasništvu fizičkog lica, na adresi Maršala Tita 7, Općina Tešanj, broj parcele 930 K.O. Tešanj I, gdje je bila smještena kancelarija i gdje je društvo obavljalo svoju djelatnost, a stvarnu djelatnost je obavljalo na adresi Gazi Ferhad-bega 10, Općina Tešanj, u iznajmljenom poslovnom prostoru u vlasništvu fizičkog lica. Problemi sa likvidnošću i problemi u poslovanju su se počeli javljati tokom 2012. godine što je rezultiralo blokadom računa u Sparkasse banci 23.02.2012. godine koja traje do današnjeg dana. Prema podacima iz bilansa stanja od 31.12.2024. godine, društvo nema nekretnina u svome vlasništvu, podaci iz finansijskih izvještaja se slažu sa podacima iz javnih registara Zemljišnoknjižnog ureda Općinskog suda u Tešnju od 19.11.2025. i Službi za katastar, urbanizam i imovinsko-pravne poslove Općine Tešanj od 19.11.2025., a u kojima je evidentirano da Društvo nema nekretnina u svome vlasništvu i posjedu, dok je posjedovanje pokretnina (motornih vozila) provjereno u evidenciji registrovanih motornih vozila u MUP-u Zenica, Policijska stanica Tešanj, Odsjek za administraciju Tešanj, te utvrđeno da društvo ne posjeduje motorna vozila u svom vlasništvu. Od ostale imovine prema bilansu stanja od 31.12.2024. ima iskazanu imovinu u iznosu od 2.000,00 KM, ali koja ne postoji. Društvo ne posjeduje bilo kakav oblik imovine što se slaže sa stanjem koje je konstatovano prilikom obilaska bivših poslovnih prostorija tj. sjedišta društva. Prema bilansu stanja od 31.12.2024., pozicije aktive društva su bile: novac i novčani ekvivalenti 2.000,00 KM, a bilansne pozicije pasive: kapital koji pripada vlasnicima matičnog društva 2.000,00 KM. Prema godišnjim bilansima uspjeha koji sam imao na raspolaganju na dan 31.12.2024. i izvještaji sa stranice www.boniteti.ba (LRC BIS) i www.companywall.ba, od 2019. godine i ranije pa do današnjeg dana, društvo nije imalo poslovnih prihoda po bilo kojem osnovu. Postoji razlog za otvaranje stečajnog postupka iz razloga platežne nesposobnosti društva. Društvo nema imovinu da pokrije predviđene troškove stečajnog postupka, pa predlaže da sud otvori stečajni postupak u skladu sa članom 102. stav 7. Zakona o stečaju („Službene novine FBiH“ broj 53/21), ukoliko neko od zainteresovanih povjerilaca predujmi troškove postupka u iznosu od 5.000,00 KM. Ako u roku iz člana 102. stav 7. povjerioci ili zainteresovana lica ne predlože otvaranje stečajnog postupka i ne uplate predujam, predlaže postupanje po članu 102. stav 8. Podnosilac prijedloga za otvaranje stečajnog postupka je stečajni dužnik. Prijedlog za otvaranje stečajnog postupka nije podnesen u roku od 60 dana od dana nastupanja platežne nesposobnosti član 61. stav 2. tačka b. Zakona o stečaju („Službene novine FBiH“ broj 53/21), koja platežna nesposobnost je nastupila 23.04.2012. godine.

Punomoćnik predlagača je izjavio da nema primjedbi niti prigovora na izvještaj privremenog stečajnog upravnika.

Sud je odlučio kao u izreci iz sljedećih razloga.

Kako stečajni dužnik ima obaveze, a nema imovine, pa ni za pokriće troškove stečajnog postupka, to je sud primjenom odredbe člana 102. stav 7. i 8. Zakona o stečaju („Službene novine FBiH“, broj: 53/21), pozvao povjerioci i zainteresovana lica da predlože otvaranje stečajnog postupka i predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ukoliko su zainteresovani za vođenje stečajnog postupka. Visina troškova srazmjerno je određena visini troškova koji se očekuju, za koje troškove sud smatra da je dovoljno 4.000,00 KM, imajući u vidu navode iz izvještaja privremenog stečajnog upravnika, a radi se o troškovima koji su neophodno potrebni za otvaranje i vođenje stečajnog postupka, imajući u vidu da je u izvještaju privremeni stečajni upravitelj naveo da su aktiva društva sa 31.12.2024. godine novac i novčani ekvivalenti 2.000,00 KM, a na ročištu je izjavio da od ostale imovine prema bilansu stanja od 31.12.2024. ima iskazanu imovinu u iznosu od 2.000,00 KM, ali koja ne postoji, dok je u zaključku

navedeno da društvo nema imovine za pokriće troškova stečajnog postupka, te je iz navodnog razloga i tražen manji iznos od onog koji je predložio privremeni stečajni upravnik.

S obzirom na izloženo odlučeno je kao u izreci ovog rješenja primjenom odredbe članu 102. stav 7. i 8. Zakona o stečaju, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajni sudija:
Samra Spahić-Drino